

TRACTATUS BINI²

DE NOVA

VARIOLAS

PER

TRANSPLANTATIONEM

EXCITANDI

METHODO;

Quorum prior ex Veneto Exemplari fideliter
hîc reponitur; Alter vero ex Transactio-
nibus Philosophicis Anglicanis
desumitur.



LUGDUNI BATAVORUM,

Apud JANSSONIOS VANDER Aa;
Bibliopolas. MDCCXXI.



ILLVSTRISS. PRÆCLARISS.

ATQVE


ERVEDITISSIMO VIRO

WILHELMO SCHERARD,

DIGNISSIMO PRO INCLYTA NA-
TIONE BRITANNICA NUNC
SMIRNIS CONSULI ETC.

Amico & Patrono semper Colendis.

JACOBUS PYLARINUS.

uod non unica Epistola sæ-
pius à me expetisti , Vir
Præclarissime , Amice in-
ter præcipuos honorande, Illu-
striss.

EPISTOLA

stris. pro celeberrima Natione
Britannica Smyrnarum Consul,
jam accipe pufillum Schediasma,
in quo breviter Nova Variolas
excitandi per Transplantationem
Methodus traditur, doceturque.
Opusculum mole quidem parvu-
lum; pretio verò eximium; hu-
mano generi perutile. Jam diù
inter meas cartulas jacuit incuria,
& oblivione sepultum; jaceret-
que adhuc; ni tuis stimulis illud
à perennitate veteri sustuliffem:
quod aliquantillum dolatum, ti-
bi jam non solum mitto; sed in
amoris specimen, in veræ ami-
citiae tesseram obfero, Nomini-
que tuo dedico: Hilari Tu vul-
tu

DEDICATORIA.

tu & amico corde munusculum
suscipe ; & quanti te æstimem,
facilè ex hac animi mei procli-
vitate conjicere poteris : At qua-
re te non magni facerem ; Cùm,
omissis cæteris , quibus ornaris ,
dotibus ; saltem in Botanicis in-
signem hodie Virum te admira-
mur atque doctissimum ; nemi-
ni secundum , verè inter omnes
primum dixerim : Perspicacissi-
mum quoque in re Antiquaria
& Eruditissimum , ut in hac nul-
li cedas , cunctos ferè antecel-
las : Nolo de Polytico regimi-
ne , quod prudenter ac honori-
ficè in prægravi Consulari exer-
ces Ministerio , ulterius dicere ;

EPIST. DEDICAT.

nam laudes , quamvis majores
tibi debeantur , tua modestia non
patitur. Satis fuerit silentio tra-
dere , quæ aliàs ut adulatoria
cenferi possent. Interim perge
me amare ; ut ipse te colere non
desinam. Vale ; & felix votis
meis vivito.



LECTORI

BENEVOLO.



*Non ambigo, quin rei novitate motus faciem ad stuporem contorqueas, fortassè & animum ad contemptum convertas: Sed quisquis es, accuratè priùs, pacatoque animo rem totam considera, Prudentis enim est in censuras statim & morsus non irrumperere: Noli primo aspectu damnare, quod in recessu invitum ad sui laudes te trahet: Brevis-
sissimis hisce cancellulis arcanum*

P R Æ F A T I O.


clauditur non contemnendum ; & sævissimi Morbi ἀντίπαλον. Verùm tanquàm muliebre , vel superstitiosum commentum despicias fortẽ ac irvidebis : Fateor , me quoque initio hujusmodi phantasmate deceptum ; sed ratione ipsaque experientia victus , depulsa omni hæsitantia in admirationem deveni non pœnitendam : Experientiæ enim quàm bellẽ respondet hîc theoria ! Physicum non reluctatur ratiocinium ; favet non repugnat Anatomica demonstratio ; comprobatur eventus : nihil ergo , quod redarguas ,

P R Æ F A T I O.

*guas, habes : At per tot retrò trans-
actos annos nemini cognitum para-
doxon hoc suspicionem incutit. Ità
est : Tempora haud omnes simul &
semel suos enituntur fætus ; Per
statutas ætates pariunt, dantque in
lucem : Singulis sæculis æquissima
distributrix illa Divina Mens sua
tradidit specimina : Sed dices ite-
rum ; ab illitteratis & planè ru-
dibus portentum hoc fluxisse ; Esto :
Verùm & Medicinam totam quan-
ta est, (haud ignoras) hujusmodi
principiis, initium sumpsisse suum.
Quid multis opus ? Experientiam*

PRÆFATIO.

*consule; non pœnitebit. Cæterùm
scias me non captandæ gloriolæ
gratia; sed communis utilitatis de-
siderio & caussa Orbi Litterario
operationem hanc publicam facere,
omnibusque notam reddere. Vale.*





VARIOLAS EXCITANDI METHODUS.

Operationem Medicam inventu non minus , quàm eventu mirandam Orbi litterario pandimus ; Non à Physicæ cultoribus , aut à doctis in Apollinea arte viris , sed à plebea rudique gente in humani generis adjumentum , in sævissimi morbi solamen detectam : Vetustis Scholarum Lucubrationibus , sedulis Recentiorum investigationibus ignotam ; sed quæ ex innocentioris , & ἀφιλοσόφου familiæ penù defluxit. Verus ignoratur ejus adinventor : in Græcia tamen , precisè in Thessalia primò invaluisse certissimum est ; hinc in propinqua successivè serpendo loca & civitates ,
in

in Byzantinam tandem irrepsit urbem ; ubi latuit quidem initio per aliquot annos , raro quoque , & inter humiliores dumtaxat recepta : Immaniter autem grassante nuper Variolarum epidemia , latius innotescere cæpit ; Numquam tamen sublimiores ausa est ingredi aulas ; donec Nobilis quidam , nec obscurus inter præstantiores Græcos , & ex antiquo Cariophylorum stipite clarus , mihi verò intimiori amicitiae titulo notus anno salutis 1701. sub hyemis finem seriusè me quidnam de hac infectione sentirem , consuluit ; Et an ad eandem in quatuor propriis filiis celebrandam præstarem assensum : Nam tùm temporis lethaliter totam ferè civitatem morbus hic invaserat ; Qui summum ei de natorum salute metum incutiendo , anxium valdè reddiderat. Verùm quid ipse super ignota re decernerem , nulla præcedente novissimæ hujusce methodi notitia , penitus ignorare me dixi ; ac simul Operatoris conveniendi copiam peti. Triduo peracto , cum ad amicum denuò accessissem , & de eadem

materia sermo iteratò inter nos esset initus; Ecce paulò post Mulier Græca ad decentiam satis composita cubiculum intravit; quæ totam operationis seriem, modum, locum, tempus, cæterasque circumstantias, ut ego deinceps aperiam, clarè satis latèque nobis exposuit; Quamquàm ipsa veram ex insitione excitationis Variolarum causam haud intellexerit: His experimenta, & casus innumeros tutò semper, & ad salutarem eventum perductos annexit; è quibus aliquot (omnes enim quis potuisset in urbe amplissima exquirere?) Verissimos esse ex assertoribus fide dignis deprehendi: Idcirco re bene pensitata, rationi, & naturæ haud absonam omnino comperi: presertim autem casibus jam dictis permotus Amico jam fervidius post aliquot dies consilium iterum expetenti, me haud alienum, sub levi tamen hæsitantia præbui; Quâ, tamquam dato assensu, arrepta, & de servando regimine toto ægrotationis tempore satis edoctus, insitionem per mulierem Græcam in quatuor filiis audacter instituit:

tuit: quorum tres natu minores (quinquennes , & vix septennes) leviter ægrotarunt ; Paucisque apparentibus pustulis post hebdomadam febre penitus , & periculo evaserunt : Ætate verò major octavum super decimum agens annum , graviter decubuit ; Nam continenti febre , & malignante correptus , supervenientè difficilium symptomatum syndrome , plusculisque quamquàm non copiosis exanthematibus obrutus , vix post decimum quartum diem , morbum elusit : Quod ego atrabilari ejus temperamento , succisque pravis , ut & neglectæ prius (contrà datam admonitionem) corporis expiationi tribuendum velim. Felix operationis eventus , mirum quam multas nobiliorum familias ad imitationem traxit ; Ut hodie sine hæsitantia , præter timidiusculos aliquos , unusquisque transplantationis emolumentum sentire velit : Soli Turcæ utpote fati decretis addicti minusque dociles hanc neglexerunt hucusque.

Naturalis est penitus hæc Operatio , nul-
loque

loque obducta superstitionis fucò ; quamvis ipsum Transplantationis Nomen prima facie hæsitantiam pariat : Differt toto Cœlo à Curationibus Sympatheticis ; eò magis à Magnetismo illo transplantatorio , per quem Morbi ex uno subjecto (mediante imaginaria quadam , gratis efficta , & imperceptibili Mumia) in aliud traduci dicuntur ; qua de re Tenzelius , Bartholinus , Maxuellus , Et-mullerus , aliique ex Recentioribus , docti aliàs Viri , agunt sedulò ; Qui vetustas Antiquorum in Medicina quisquiliis expurgandas esse cum jactitent ; inter quisquiliis ipsi quandoque se volutant ; novissima vanitatis amurca Venerandam hætenus purissimamque Scientiam deturpantes : Quare , ut verum fatear , quemadmodum Operationes hæ Magneticæ , vel Sympatheticæ supersticiosæ vanitatis suspicione non carent (ut in Unguento Armario , Pulvere sympathetico , & similibus) , utpotè extra activitatis sphæram in distans agentes ; ità Variolarum Transplantatio , vera , mera , pura Physica est ; quia
puris

puris mediis Phÿsicis , & ad Oculum paten-
tibus , nec non ipso fenfibili contactu com-
pletur ; ut è mox dicendis clariùs eluceſ-
cet.

Hujusmodi igitur Variolarum excitatio fit
per Metaphoricè ſic dictam inſitionem , ſive
Transplantationem , Quæ nihil aliud eſt ,
quàm fermenti morbigici ſeu puris ex Vario-
lis extracti in corpus ſanum per vulnuſcula
ad hoc facta , inſertio.

Phÿſicus excitationis modus hoc pacto
ſuccedit. Intruſum in vulnuſcula pus veri
fermenti ſuſcipit indolem ; Hinc beneficio
circulationis per vaſa & canales proprios ad
ſanguinis maſſam delatum , diſpoſitâs ad hoc
particulas , & deliteſcente vitio turgidas ſta-
tim aggreditur , inſicit , venenumque com-
municando latitans in illis ſeminarium fer-
mentativum excitat , agitât , actuat , inque
motum cit ; Unde ebullitio univerſalis , ſeu
fermentatio oritur ; Vi cujus impurioreſ , &
heterogeneæ partes ſeparatæ criticè protru-
duntur ad cutem ; natura interim placidè vir-
tute

tute talis operationis totum opus moderante.

Sed ad Transplantationem ipsam, & ejus celebrandæ formam properandum; Modum quò eadem mulier Transplantatrix tutissimè operabatur, fideliter describendo, ordinem, cæteraque omnia; ex quibus regula quædam institui poterit pro operatione hac obeunda. Cæterum quamvis de omnibus oculatus Testis, ut ingenuè fatear, esse non possim; Ex operatricis tamen ore multa, plura ex fideli relatione transumpsi; plurima, & potiora ipsemet observavi; ommitto quæ ad majorem confirmationem universalis fama canit. Quibus omnibus præstandam esse fidem candidè, ac strenuè assevero.

Ergo primò tempus ad celebrandam insitionem opportunum seligendum est; Quod secundum operatricem hybernum desideratur; & non nisi tali tempore ipsa insitionem instituebat: Verum ego pariter idoneum crediderim; propter clementiorem aeris temperiem.

Secundò selectissimum adhibet fermentum; Pus scilicèt inferendum non ex quolibet sub-
jecto recipit; sed Variolis epidemicè grassan-
tibus, e pustulis jam maturis decumbentis
alicujus pueruli aliàs *ευσώπης*, hisque benignis
punctione illud extrahit, exprimitque; & in
conculam aliquam vel vitreum vasculum mun-
dissimum, nec nimis actu frigidum reponit
reconditque; quod Vasculum bene fartum
tectum in pedissequi sinum fovendum intru-
dit; mox sine mora ad operationem prope-
rat: Pus ex insititiis rejicit, ut inefficax,
quod tamen ego benignioris indolis nec mi-
noris interim energiæ fecerim: qua in re ex-
perientia consulenda.

Tertiò temperatissimum vult patientis in-
habitandum cubiculum quoad aeris modifi-
cationes.

Quartò ad operationem jam celebrandam
accedens mulier, frontem in confinio capil-
lorum, & quidem medio in loco; mentum
& utrasque genas acu ferrea vel aurea pun-
git; non rectà, sed obliquè impingendo,
cutim-

cutimque acuta cuspide à subiecta carne aliquantillum separando ; hinc eadem acu pus jam præparatum in vulnusculem instillat è vasculo , intruditque ; superinducta per fasciam ligatura : Manus item ambas in metacarpis , pedes in metatarsis eodem modo ferit , pusque inserit , fasciaque leniter stringit ; seriòse imponendo patienti , ne partes illas scalpat madefaciatve. Potius carnosiora pungerem loca , quatenus inflammationibus dolorique minus obnoxia , nec tendinibus intertexta.

Præter hanc operandi formam cæteri omnes rejiciuntur modi , utpotè absconi , inusitati , malè succedentes , infelicisque exitus.

Interim lectulo moderatè manendum , neque plus quàm opus fuerit jacendum.

Quintò bonum in sex rebus non naturalibus regimen , præcipue in victu , injungit ; Non solum enim vino , & carnibus , verum etiam earumdem juscule rigorosè patientes ad quadragesimum diem interdicit : Pluri-

busque monitum non curantibus sæpius male successit; nam ad oculos, poena erroris, novas erupisse pustulas, aliaque non parvi discriminis symptomata supervenisse visum est.

Sic ritè peracta transplantatione, non omnibus eodem temporis intervallo suscitari solent variolarum symptomata; Variè enim fermentum agit; serius vel citius, prout unicuique proprium favet temperamentum, ætas, robur: Quamquàm Variolæ ipsæ, in septimo ferè semper apparere incipiant; Qui dies vere criticus est; nec defuere, quod rarò contingere solet, quibus statim prima die effloruerint.

Symptomata ægrotantibus evenientia variant secundùm temperamentorum diversitatem, succorum in massa sanguinea habitudinem, & particularem in singulis naturæ dispositionem: remissiora nempe vel intensiora ingruunt; At communiter grassantibus non dissimilia; quamvis clementiori ut plurimum facie: Plures vix alterationem læsio-

sionemve sentiunt aliquam.

Excitatae Variolæ ferè semper sunt de genere Distinctarum; nec numero multæ; Decem ut plurimum, viginti, triginta, rarò ad centum rarissimè adducentum erunpunt.

Notandum primò nonnullos unico dumtaxat vulnusculo ad brachium inflicto contentos, excitasse variolas; paucisque apparentibus pustulis præservatos tamen impostèrum fuisse à contagio.

Notandum secundò accidisse interdùm, ut ex insitione nullæ penitùs excitatæ fuerint variolæ, vel ob non præexistentem ullam prorsùs variolicam in corpore dispositionem, vel ob enervatum infriictumque fermenti contagium: At postea grassante populariter morbo correpta sint promiscuè ejusmodi corpora, jam insitionem passa; communi cæterorum forte.


Tertiò infertionis loca seù vultuscula in pustulas semper evadere solent: Quibusdam verò excrescunt in purulenta tubercula, nullis interim apparentibus pustulis; Nonnullis

52 VARIOLAS EXCITANDI

in apostemata quidem majora degenerant magnam puris copiam effundentia : Non semel eadem loca , in pedibus præcipuè manibusque summo cum dolore intumescunt ; pureque effuso , subsident ; Iterumque in tumorem attolluntur : quibusdam , rarissimè tamen , ad glandulosas partes , & emunctoria post aliquod tempus abscessus emergunt , ac suppurantur paulatim : ludente sic in diversiformi corporum crassi natura.

Postremò , nunquam ferè ex transplantatione hac funesti quid accidisse observatum fuit hactenus ; etiamsi in quocumque sexu , temperamento , ætate celebrata fuerit ; quin immò , ritè recteque tractata , & in corporibus per peritum Medicum aptè præparatis , certissimam promittit salutem. Variolæ enim hoc modo excitatæ benignioris sunt indolis , quàm sint illæ , quæ populariter grassantur ; Utpotè ex fermento , seu contagio , omni malignitate carente promotæ : Ebullitio , per quam massa sanguinis agitur ac totum opus perficitur , blandè non violenter , moderan-

te natura , conamina sua molitur ; Sed præter hæc , tempus ad operationem atque anni tempestas magis idonea pro transplantatione ad libitum eligi , ut & corpus insitioni subiendum congruis adminiculis ad recipiendam illam ex arte præparari disponique poterit ; Quod revera maximi ad salutarem faustumque morbi successum momenti censi debet.



Numº 339 Mens. April. Maji,
& Junii 1714.

*Variolarum incisione, vel inoculatione
procurandarum, (uti Byzantii exerce-
tur) Historia, quæ compendium est
Epistolæ à Dn. Emanuelle Timoni Pa-
tavino, & Oxoniensi Medicinæ Docto-
re, ad Dn. Johan: Woodward mense
Xbri An. 1713. Constantinopoli con-
scriptæ, Regiæque Anglicanæ Societati
ab hoc ultimo communicatæ.*

Circassos, Georgianos, aliosque Asiæ
accolas à 40 circiter annis Metho-
dum hanc Variolas per inoculationem ex-
citandi inter Turcas, cæterosque Byzantinos
introducisse, primum est, quod hujus Epistolæ
author notat.

Quamvis sub ipso initio prudentiores
nonnulli in usu hujus Methodi nimium
fue-

fuerint cauti , felix tamen qui per elapſos 8. annos inter innumeros homines viſus eſt ſucceſſus , ab omni illam ſuſpicionem & dubio liberam fecit. Cum in hominibus omnium ætatum , utriuſque ſexus , & diverſæ Temperiei , in aere etiam inſaluberrimo operatio hæc inſtituta fuerit, nemo tamen a variolis ſic acceptis , occubuit ; dum interim Lethales admodum eſſent iis , qui naturaliter illas conceperant ; dimidia enim horum pars obiit ; Hoc ex propria obſervatione teſtatur.

Proximè notat talem inoculationem paſſos leviffimis ſymptomatibus ſubiici , cum plures vix ægros ſe ſentiant ; Fœminis verò eandem potiffimam excoli , quia nulla in facie ſtigmata relinquit.

Methodus operationis hæc eſt. Idonea contagioni electa puſtularum materia , infectionem , cuique illam recipere cupienti , communicare poteſt ; undè per Metaphoram incisionis vel inoculationis nomen hæc operatio adepta eſt. Eligitur ideò puer quidam , vel ſanæ temperiei juvenis , qui variolis,

26 VARIOLAS EXCITANDI

(distinctis scilicet , non confluentibus) laboret ; cui 12 ; vel 13. morbi die aciculâ pungunt tubercula (ea vëro præcipue , quæ in tibie anterioris partis cute , & ad poplitem extant) materiamque his profluentem in vasis vitreis , vel similibus expressam , recipiunt. Vasa autem aquâ tepidâ prius lota , & depurata esse convenit ; cumque necessaria dictæ materiæ copia collecta sit , arte claudi debet , tepidoque gestantis sinu fota , quam citissimè fieri potest , futuro ægro applicari.

Huic ergo in calido cubiculo commoranti exigua admodum in una , vel altera cutis parte , vulnuscule , ab operatore acu sunt infligenda , ita ut guttæ quædam sanguinis exstillent : tunc statim materia vase vitreo contenta iisdem infundatur , & emananti cruori benè commisceatur. Unica materiæ guttula cuilibet vulnerato loco instillata sufficit. Hæ puncturæ ubique in partibus carnosissimis fieri possunt , optimè tamen succedunt si inter Musculos brachii fiant. Acus debet esse triangularis chirurgica , sed & lanceola huic usui non inepta

inepta foret. Mos invaluit acum transversim intrudendi cutimque paululum diffecandi, quò comodior partium separatio contingat, faciliusque materiæ cum sanguine miscella perficiatur; quod fit, vel stylo obtuso vel auriscalpio.

Tegi debet vulnus dimidiâ nucis juglandis thecâ, vel simili quodam vase concavo; & spleniis insuper ligari, ne vestibis circumpositis materies abradatur: omnia verò hæc post paucas horas auferri possunt.

In diætâ admodum sibi cavere debet ægrotus, inter cœtera enim consuetudo est, ut non tantum à carnibus, sed & à jure illarum per 20, vel 25. dies abstineat.

Operatio hæc vel incunte hyeme, vel vere instituitur.

Nonnulli præ cautelâ materiem a tertio quodam ad ægrum afferri curant, ne fortè contagium ex vestibis operatoris comunicetur. Sed levioris hæc sunt momenti.

Quod ad progressum inoculationis spectat, Prout varia singulorum Idiosyncrasia, citius in quibusdam quam in aliis variolæ apparere inci-

inci-

incipiunt : his cum majoribus , illis verò cum minoribus , symptomatibus : felix tamen omnibus est successus. Hic germinant plerumque ad finem 7. diei quod doctrinæ criseos favere videtur.

Quum anno quodam lethaliter admodum grassarentur vulgares variolæ , observatum est hos etiam ex incisione ægrotos atrocioribus symptomatibus fuisse cruciatis. Quatuor tantum hominibus , ex 50. in quibus inoculatio eodem die peracta erat , nimis citò plura erupuerant tubercula , Peioraque symptomata occurrebant : jurè tamen suspicabatur hos ante incisionem vulgarium variolarum contagiùm suscepisse. Proposito nostro satis est , neminem esse qui à variolis per incisionem excitatis , non convaluerit. In prædictis quatuor ad confluentium genus Variolæ accedebant : inoculatae verò Paucae , dispersae , & distinctae apparent. Plerumque 10 , vel 20. numero erumpunt : nonnunquam binæ , vel tres : paucis 100 occurrunt. In quibusdam nullæ assurgunt pustulæ , sed loca

tan-

tantum acū vulnerata in purulenta tubercula excreſcunt ; qui tamen nunquam in poſterum variolis laborarunt , licet cum hominibus iſſdem affectis cohabitaverint.

Puſtulæ hæc operatione prodeuntes brevi exſiccantur , partimque ſub cruſtæ ſ. ſquamæ tenuioris ſpecie decidunt , partim inſenſibili quadam diminutione (vulgari variolarum generi contrarium) evaneſcunt.

Materia hic vix ex pure denſo uti in vulgaribus , ſed ex ſpecie quadam ſaniei tenuioris , conſtat ; undè raro , ſtigmata ſuperſunt , niſi in locis incifionis , ubi cicatrices relictæ nunquam delentur , quarumque materia ad puris indolem accedit.

Si apoſthema erumpat , cui magis abnoxii ſunt infantes , nihil inde timendum , cum ſuppuratione facile ſanetur. Si ſymptoma aliud accedat , facile vulgaribus remediis curatur.

Notandum materiam variolarum ſic excitatarum vix unquam pro nova incifione adhiberi. Si inoculatio , in iis qui jam variolis labor

laborarunt , instituatur , nullam hi mutationem patiuntur , locaque puncta sponte exsiccantur , nisi malam corporis temperiem habeant in quo casu levis inflamatio , vel exulceratio contingere per aliquot dies , posset.

Ad hoc usque tempus (inquit) non nisi puerum novi , qui licet incisionem passus variolas non habuerit : quique post aliquot menses vulgari variolarum genere affectus convaleuit. Notandum loca incisionis ipsi non intumuisse. Suspicio puerulum hunc materiae insertionem impedivisse , nam inter operandum multum reluctabatur , nec aderant qui imotum ipsum fisterent.

Materies inferenda per 12. horas in vase vitreo servari potest. Pergit.

Numquam quid mali ab hac incisione accidisse memini , & quamvis funesti aliquando successus inter vulgus rumor divagaretur falsum tamen ipsum , cum ex proposito domum undè ortum duxerat ingrederi , inueni. Ab hinc octo annis harum operationum testis ipse fui , utque pateat quam sedulus in hac
dis-

disquisitione extiterim, duas historias enarrabo.

In familia quadam infans erat triennis, morbo comitali, strumis, lue hæreditaria, & marasmo diuturno laborans. Incisionem huic institui Parentes curarunt. Facile vario-læ erupuerant: sed 40. circiter die marasmo mortuus est.

In altera familia puella aderat pariter triennis morbo comitali afflicta, strumosa, & insuper lue hæreditaria, ac Dysenteria colliquativa a tribus mensibus laborans. Huic etiam dicta operatio fiebat: & variolis, quæ omnes 15. die evanuerant, feliciter evasit: sed, 32. die Dysenteria, quæ toto illo tempore abfuerat, occubuit. Verum tamen est me numquam asservisse inoculationem, hanc Panaceam seu omnium morborum medellam esse: nec enim puto moribundis conducere. Fuerunt etiam nonnulli acutioris ingenii qui infantes illos utpote umbras inanes ad Charontem missos per quoscunque modos imaginati sunt.

Si quid aliud hac de re colligere potuissem, ingenue hic aposuisssem.

Reliquum Epistolæ D. Timonis ratiocinia ejus continet pro hac praxeos methodo, cujus pars ætiologica propriis ejus verbis hic exhibetur.

Æ T I O L O G I A.

Contagium Variolarum per puris Infusionem propagari haud equidem mirabitur, qui Æsculapii templum vel à primo limine salutavit, & fermentationis Doctrinam subodoratus est: Nec obscurior est infitionis modus, quam panificium aut ars cerevisiaria, in quibus ex admixto fermento massæ fermentandæ turgescunt: conciliato nimirum motu intestino particularum minimarum principiis activè pollentium. Si quis quærit interim cur variolæ periculosæ alioquin & persæpe lethales ex infitione sinè ullo periculo excludantur. Dico: Variolæ communes vel concurrente pravâ aliquâ speciali aeris

aeris Diathesi fuscitantur , vel ab effluviis à varioloso corpore emanantibus per contagium propagantur. Primus casus in paucis individuis accidit, & concurrente quidem vel insigni cacochymia vel saltem variolosi seminii in talibus individuis latitantis acerrimâ exhalatione: secundus casus communissimus est. In primo casu miasma malignum aëreum, in secundo virulenta contagii corpuscula indolis (probabiliter) salino-sulphureæ, sed specificam fracedinem seu ranciditatem nacta statim ac per respirationem hauriuntur, spiritus ipsos, & labe quidem teterrimâ afficiunt; subsequenter autem massam sanguineam, & lympham vitari manifestum est. Spiritus statim infici rationi consentaneum est, tum, quia in fontes spiritum cor scilicet & cerebrum, statim ingressum habent virulentum aporriæ, tum ratione analogismi inter miasmata & effluvia ista ipsosque spiritus, cum utraque spirituofo-aëreæ texturæ sint. Deducitur etiam cita & prava spirituum infectio, à tot tantisque nervosi systematis symptomatibus, quæ

malas plerumque comitantur variolas , & præcipuè à convulsionibus epilepticis , quæ infantibus accidunt ipso momento , quo varioloso inficiuntur contagio multò antequam febris illos corripiat. Massam autem sanguineam inquinari præter febrim purulenta tuberculorum exclusio testatur. Lymphæ verò vitiatæ fidem faciunt Glandularum in faucibus tumor , scretus , & enormis multoties Ptialismus. Inter hæc circularis etiam accidit noxa. Sed præcipuè sanguinis particulæ ab indebita spirituum irradiatione in plures ataxias , & anomalias perducuntur. Duobus tamen potissimum modis in Variolis communibus mortem contingere observavi.

Primus est quando paucis erumpentibus variolis , & tardè ad maturitatem procedentibus , mala alia oboriuntur symptomata : secundus quando nimia tuberculorum copia cadaverosam putredinem inducit. In primo casu malignæ vulgò dicuntur variolæ : causa autem est vel nimia fusio & dissolutio massæ sanguineæ , vel ejusdem coagulatio , & grumescen-

ſcientia. Si enim impetus ſpirituum exploſivus juſto plus augeatur, particulæ maffæ ſanguineæ nimiùm ad invicem atteruntur, minuuntur, & tenuiſſimas naſciſcuntur acrotitas: ſanguis in hoc ſtatu ſollertis naturæ mechanismum eludit, cumque nil fœculentioris in glandulis ſecrètoriis, cribriſque deponat, œconomix animalis functionibus requiſitas filtrationes, & tranſcolationes celebrari haud patitur: improporcionata etenim eſt figura particularum liquidi ad configurationem pororum in tubulis, & colatoriis ratione ſubtilitatis nimix: filtratione enim defœcarentur particulæ ſanguinis ſi naturalem ſervarent ſchematicum & molem: hinc dicitur peſſim fieri per incraffationem. Præter hoc celeritas ipſa tranſitus ſanguinis in cauſa eſt ut nihil deponatur in colatoriis. Torrens ubi nimio impetu & præcipiti curſu fertur aquas turbidas defœcari haud patitur; quia vis centripeta gravitatem admixti terreſi ſequens ſuperatur à fortiorum pulſoriâ virtute aqueorum globulorum rapidè ruentium: virtus e-

nim fortis verbi gratiâ ut unum non poterit
 lineam perpendicularem describere ubi virtus
 fortis ut duo ad lineam horizontalem protru-
 dit : sic etiam haud pluit vento flante inten-
 sissimo ; eâdem geometricâ proportionem
 (probabiliter loquendo) sanguinis particulæ
 aucto ab effrænibus spiritibus motu tubulos
 colatorios præterfluunt nullâ factâ sæcum de-
 positione. Hæc probabilia fiunt à summâ
 pulsus celeritate, feбри intensissimâ, sudore
 nullo, & urina cruda. E contrâ quandoque
 contingit ut ab acutis, & scindentibus dele-
 terii fermenti particulis frangatur, corrodat,ur,
 vel saltem relaxetur elater spirituum : elan-
 guescente igitur spirituum motu torpidiores
 etiam hebetioresque fiunt sanguinis lymphæ-
 que particulæ : igitur dum in labyrinthæis
 tubulorum anfractibus moram indebitam con-
 trahunt alias turmatim invicem complicari,
 alias autem congestione factâ, super alias in-
 cidere, & diverso ad invicem superficie-
 rum suarum contactu à naturali configuratione de-
 sciscere, & novas induere angulorum dimen-
 siones

siones necesse est. Hæc probabilia fiunt à pulsu tardo & raro, ac febris carentia quandoque in summâ malignitate observatis, paucis & tardè erumpentibus variolarum pustulis. Ulterius à trepidatoriâ seù subsultoriâ, ac tumultuosâ furentium spirituum irradiatione inæqualis eodem tempore in diversis partibus massæ sanguineæ & arteriarum etiam venarumque contingere potest impulsus. Sivè igitur fibrillæ aliquæ, (ut quidam volunt) reperiuntur in sanguine, seu chyli nondum benè assimilati sint portiones usibus peculiaribus dicatæ; probabiliter istarum motum turbari contingit: has enim in circulatorio motu secundum longitudinem suam naturaliter moveri necesse est: ab inæquali autem pressione dicta rectilineam figuram perdere, & in spiras ac semicirculos crispari coguntur: has igitur sic contortas transversaliter postmodum in circulatione raptari, ad invicem implicatas convolui, &, ramosis schematibus abortis, racematim adeò conglobari necesse est, ut in majusculos tandem grumos coalescant,

sivè demùm fibrillæ illæ non dentur, certè cujuscunque figuræ sint massæ sanguineæ particulæ, illas à naturali desciscere situatione ex hâc motus inæqualitate contingit : Confusæ igitur particulæ istæ & ad invicem implicatæ statim vehiculi sui, feri scilicet globulis per expressionem à suo contubernio explosis majorem ratione molis auctæ gravitatem nasciscuntur, ideoque impulsivæ circulatoriæ facultatis vim superant. Has igitur hic illic restitare, ac stagnare necesse est, prout in hoc vel in illo loco prima mutua cohæsiō fortè contigerit : Hinc livida stigmata & simul (quod sæpè observavi in variolis cum petechiis erumpentibus) frequens sequitur mictus, quo liquidissimum serum in magna copia excluditur. En fusio, & coagulatio. Hinc mirum non est cur moriantur aliqui in variolis cum petechiis, convulsionibus, syncope, vigiliis nimis, emorrhagiis, deliriis, vomitibus enormibus, dysenteriis &c. quamvis haud multâ pustularum putrilagine perfundantur : In stygium enim veluti Characterisimum va-

riolarum fermentum multoties evehitur, ita ut quamvis haud magnam crassi puris copiam progignere aptum sit, spiritibus tamen, liquidis & solidis supra recensita mala, modis vel explicatis vel aliis consimilibus communicare possit, sicque mortem inferre; & hoc ante undecimum plerumque. Veniamus nunc ad secundum modum.

Diversa enim aliquandò contingit perniciēs, & longè alterius generis tragoediā: quamvis enim absint illa symptomata, nimia tamen puris, materiæ scilicet cadaverosæ, copiâ corpus obruitur. Pus autem generari probabile est quandò sulphureis oleosisque massæ sanguineæ particulis in fracedine & fusione constitutis acido-salinarum particularum confusio contingit. Huic asserto facem accendunt innumera chymica experimenta quibus manifestè edocemur solutionibus pinguium sulphureorum per alkalia factis acido quolibet coaffuso statim massam albicantis coloris emergere. Multoties igitur miasma seu fermentum Variolarum per respirationem

haustum ratione indolis propriæ acerrimæ & fortassis septicæ tales in massam sanguineam particularum acido-salinarum & oleoso-sulphureorum producere potest combinationes, ut non seminia solum variolarum, quæ omnibus individuis (mole tamen minimâ) à nativitate indita sunt, agitentur, actuentur, & in purulentam abeant putrilaginem, sed massa ipsa sanguinea tota acorem contrahat, & motu quodam corruptorio putrescat, & cadaverifetur. Sic igitur incendio veluti cohorto, ulterius furere fermentescentes particulas contingit, quum variolosis seminiis per despumationem eliminandis opus sit: hic motus non est depuratorius heterogeneis secernendis inserviens, sed destructivus & corruptorius fermento nempe totam massam superante & invertente; fracidis scilicet rebellibusque particulis victoriâ potitis, & omnes alias in sua castra migrare cogentibus. Hoc manifestè observamus in variis potulentis in quibus fermentatione aliquandò excitatâ, motus succedit corruptivus liquores totaliter vitians:

hinc

hinc videmus aliquos quamvis supra recensitis symptomatibus immunes, immenso tamen, ut ità dicam, putridinis oceano suffocatos: Et hoc periculum usque ad 22 protrahitur. Ultimo loco considerandum solida etiam, & nobiliores partes in his casibus pessimè affici, & in spasmos inordinatos cieri: variis horum distortionibus tubulorum meatus vitari, & functionum munera depravari necesse est: Ecce igitur continentia, contenta, impetum facientia, quorum triumviratu humani corporis respublica regitur, una eademque ruina ut plurimum involuta: mirabiturne quisquam malorum indè Iliadem in hominis perniciem pullulare? Observandum ulterius, multis qui peste laboraverunt communibus variolis etiam post annum correptis, bubones eosdem intumuisse, qui antea in peste eruperant: nonne hoc etiam summam malignitatem testatur? Inquisitionem modò ad rationis trutinam revocemus. At herculè longè aliter in hoc contagionis modo rem procedere quis est qui non fateatur? Primum

42 VARIOLAS EXCITANDI

enim spiritus nullatenus infici manifestum est: deindè non lymphæ, non sanguini labes ulla teterrima inuritur, non solidis vitium aliquod comunicatur. Hinc symptomata omnia levia, nulla pessima, nulli infantibus epileptici insultus. Contagionis enim hujusce fermentum, non spiritale, non aëreum & acutum est; sed humorale, iners, ac pigrum: Venena autem quo subtiliora eo pejora: Ratione igitur improprietatis nulla inter fermentum hoc, & spiritus esse poterit lucta. Pus equidem variolarum in ipsa substantia sanguini immediate infusum statim in largum veluti pelagum exceptum diluitur, involuitur, absorbetur, obtunditur: sic illud mitescit, sic in mansuetiorem indolem cicuratur. Contagiosæ istæ particulæ sanguinem ingressæ statim sibi congenere variolosi seminii particulas sanguini à nativitate inditas inveniunt; iis igitur confermentescunt, sed invicem combinatæ ac complexæ haud amplius sui juris sunt, ut posteriores excitent turbas, regiam vitæ petant, spirituum thesau-

sau-

sauros dirripiant ; nam mutuis compedibus constrictæ fixantur , præcipitantur , crassioresque & hebetores fiunt , quam antea fuerint. Statim igitur volubilioribus aquearum particularum globulis tamquam aptis vehiculis superincumbentes , sanguinis motu à centro ad peripheriam tendente secundo veluti amne ad ambitum corporis protruduntur , eliminantur. Nonne manifestè videmus haud generari pus in infitiis variolis , sed saniosam , dilutiorem videlicet aqueamque magis materiem ? Nonne ex hoc Phænomeno palam est acido-salinas fermenti contagiosi particulas haud oleosas passim sanguinis particulas in cadaverosam purulentiam pervertere , sed blandioribus potius levioribusque aqueis particulis easdem dilutas , & saturatas ferè asportari ? Ex negatione fovearum , & cicatricum nonne manifestum est acres , aculeatas , pungentes , & corrosivas salini
fer-

44 VARIOLAS EXCITANDI

fermenti particulas à balsamicis statim sanguinis globulis obtundi, spiculis suis orbari & hebetiori figurâ modificatas, vi veluti mochlicâ extrapelli? Integra interim servatur massæ sanguinæ textura, inviolatâ consistentia. Nullam hîc vides fusionem, nullam grumescentiam, nullum corruptorium, aut destructivum motum. In insitione enim tantum solummodò sanguis fermentescit, quantum impuro a puri consortio separando ac per despumationem extrudendo satis est. In hoc fermentationis motu solum per undulationem quandam leviter aliquando afficiuntur spiritus, lympa, & solidæ partes, & si quæ ad ista contagii particulæ perveniunt certè, (quod insitionis adumbrat metaphora,) non nisi sylvestri acrimonia privatæ, ac veluti dulcificatæ pervenire possunt. Hæc tenuitatis meæ satis conscius haud præfricta fronte protrudo: non me latet longè meliora eman-

mana-

manatura ab iis , queis meliore luto finxit præcordia Titan : in historicâ tamen infitionis hujusce narratione aliquatenus me benè meritum spero.

Constantinopoli

Anno 1713.

Menſe Xbre.

EMANUEL TIMONIUS

Constantinopol. In Uni-
verſitatibus Oxoniensi &
Patavina Philoſophiæ , &
Medicinæ Doctör.

F I N I S



